

四庫全書

經部

欽定四庫全書

經部

五禮通考卷一百五十五

詳校官太常寺少卿臣陳桂森

給事中臣溫常綬覆勘

總校官進士臣繆琪

校對官中書臣孫球

謄錄監生臣華春芳

欽定四庫全書

五禮通考卷一百五十五

刑部尚書秦蕙田撰

嘉禮二十八

昏禮

宋史太宗本紀太平興國七年春正月定昏娶儀制

禮志諸王納妃聘禮賜女家白金萬兩敵門

即古納采用羊

二十口酒二十壺綵四十匹定禮羊酒綵各加十茗百

斤頭帶巾段綾絹三十四匹黃金釵釧四雙條脫一副真  
珠琥珀瓔珞真珠翠毛玉釵朶各二副銷金生色衣各  
一襲金塗銀合二錦繡綾羅三百匹果盤花粉花翬眠  
羊卧鹿花餅銀勝小色金銀錢等物納財用金器百兩  
綵千匹錢五十萬錦綺綾羅絹各三百匹銷金繡畫衣  
十襲真珠翠毛玉釵朶各三副函書一架纏束帛押馬  
函馬二十匹羊五十口酒五十壺繫羊酒紅絹百匹花  
粉花翬果盤銀勝羅勝等物親迎用塗金銀裝肩輿一

行障坐障各一方團掌扇四引障花十樹生色燭籠十  
高髻釵插并童子八人騎分左右導扇與其宗室子聘  
禮賜女家白金五千兩其敵門定禮納財親迎禮皆減  
半遠屬族卑者又減半 品官昏禮納采問名納吉納  
成請期親迎同牢廟見見舅姑姑醴婦盥饋享婦送者並  
如諸王以下昏四品以下不用盥饋享婦禮 士庶人  
昏禮并問名於納采并請期於納成其無雁奠者三舍  
生聽用羊庶人聽以雉及雞鶩代其辭稱吾子親迎質

明掌事者設禭位廳事東間南向壻之父服其服北面

再拜祝曰某子某年若干禮宜有室聘某氏第幾女以

某日親迎敢告子將行父坐廳事南向子服其服

三舍生及

品官子孫殿九品服餘非皂衫衣折上中立父位西少南東向贊者注酒於

醢授子子再拜跪受贊者又以饌設位前子舉酒興即

坐飲食訖降再拜進立父位前命之曰釐爾內治往求

爾匹子再拜曰敢不奉命又再拜降出初昏掌事者

設酒饌室中置二醢於槃壻服其服如前服至女家贊

者引就次掌事者設禰位主人受禮如請期之儀女盛

服立房中父升階立房外之東西向

非南向者各隨其所向父立於門外

之左餘  
做此

贊者注酒於醴授女女再拜受醴贊者又以饌

設于位前女即坐飲食訖降再拜父降立於東階下賓

出次

賓謂  
階

主人迎於門揖賓入賓報揖從入主人升東

階西面賓升西階進當房戶前北面掌事者陳雁於階

賓曰某受命於父以茲嘉禮躬聽成命主人曰某固願

從命賓再拜降出主人不降送初女出父戒之曰往之

女家無忘肅恭母戒之曰夙夜以思無有違命諸母申之曰無違爾父母之訓女出壻先還俟於門外婦至贊者引就北面立壻南面揖以入至於室掌事者設對位室中壻婦皆即坐贊者注酒於醴授壻及婦壻及婦受醴飲訖設饌再飲三飲並如上儀壻及婦皆興再拜贊者徹酒饌見祖禰見舅姑醴婦享送者如儀

慈田案宋品官以下昏禮不如開元禮遠矣

太宗本紀至道元年八月禁西北緣邊諸州民與內屬



戎人昏娶

仁宗本紀天聖八年三月禁以財冒士族娶宗室女者  
至和元年十月詔士庶家毋得以常傭僮之人為姻違  
者離之

文獻通考公主出降嘉祐二年禮官言禮閣新儀公主  
出降前一日行五禮古者結昏始用行人告以夫家采  
擇之意謂之納采問女之名歸卜夫廟吉以告女家謂  
之問名納吉今選尚一出朝廷不待納采又公主封爵

已行誕告不得問名而卜之若納成則既有進財請期則有司擇日宜稍依五禮之名存其物數俾知古者昏姻之事重而夫婦之嚴如此亦不忘古禮之義也時究國公主下嫁李瑋詔俟出降日令夫家主昏者具合用鴈帛玉馬等物陳於內東門外以授內謁者進入內中付掌事者受之其馬不入

宋史禮志凡宗室昏姻治平中宗正司言宗室女舅姑夫族未立儀制皆當創法詔壻家有二世食祿即許娶

宗室女未仕者與判司簿尉已仕者隨資序推恩即壻  
別祖女別房舊為昏姻而於今尊卑不順者皆許壻之  
三代鄉貫生月人材書劄止令昏主問驗以告宗正寺  
大宗正司寺司詳視如條保明所進財皆賜壻家令止  
於本宮納財媒妁使令之人非理求勾許告宗室女事  
舅姑及見夫之族親皆如臣庶之家其後又令宗室女  
嫁者祖父有二代任殿直若州縣官以上即許為昏姻  
英宗本紀治平四年一日語神宗曰國家舊制士大夫

之子有尚帝女皆升行以避舅姑之尊朕嘗思此寤寐  
不平豈可以富貴之故屈人倫長幼之序也可詔有司  
革之

神宗本紀治平四年即位二月詔公主下嫁者行見舅  
姑禮

禮志熙寧十年詔應袒免以上親不得與雜類之家昏  
嫁謂舅嘗為僕姑嘗為娼者若父母係化外及見居沿  
邊兩屬之人其子孫亦不許為昏總麻以上親不得與

諸司胥吏出職納粟得官及進納伎術工商雜類惡逆之家子孫通昏後又禁刑徒人子孫為昏應昏嫁者委主昏宗室擇三代有任州縣官或殿直以上者列姓名家世州里歲數奏上宗正司驗實召保付內侍省宣繫聽期而行嫁女則令其壻召保其冒妄成昏者以違制論主昏宗室與媒保同坐不以赦降自首者減罪告者有賞非袒免親者依庶姓法宗室離昏委宗正司審察若于律有可出之實或不相安方聽若無故拮拾者劾

奏如許聽離追完賜予物給還嫁資再娶者不給賜非  
袒免以上親與夫聽離再嫁者委宗正司審核其恩澤  
已追奪而乞與後夫者降一等尋詔宗室女母得與嘗  
娶人結昏再適者不用此法

哲宗本紀元祐三年九月禁宗室聯姻內臣家

文獻通考元祐五年八月太皇太后詔以皇帝納后有  
期令太常禮官檢詳古今六禮沿革參考通禮典故具  
其節文著為成式者先是太皇太后諭宰臣呂大防等

曰皇帝將納后天聖景祐故事止降進冊未嘗御殿禮甚簡略大防等請退而討論遂降是詔又詔翰林學士御史中丞兩省給舍與禮部太常寺官同詳議

宋史哲宗本紀元祐六年八月三省進納后六禮儀制文獻通考三省樞密院言納后六禮命使納采問名納吉納成告期差執政官攝太尉充使侍從官或判宗正官攝宗正卿充副使以舊尚書省權為皇后行第納采問名同日次日納吉納成告期納成加穀珪請期依開

寶禮改為告期納采前擇日告天地發冊命使差宰臣攝太尉執政官攝司徒前一日告宗廟奉迎命使依開寶禮改親迎為命使奉迎皇帝臨軒與冊禮使副同遣先遣冊禮使次遣奉迎使令文武百官詣行第班迎其日皇后服禕衣乘重翟車鹵簿依禮令由宣德門東偏門入文臣大卿監武臣正任刺史以上宣德門外班迎詔從之時給事中范祖禹言臨軒發冊命使奉迎及皇后入內皇帝乃服通天冠絳紗袍於禮未隆請並服袞



冕以重大昏之禮翰林學士范百祿言昏禮下達匪媒  
不克今采擇先定有命既集而形於麻制以后氏族姓  
宣告外庭方且遣使齋制行納采問名之禮則禮文顛  
倒失先後之序請以降詔之日行納采問名之禮宣制  
之日行納吉納成告期之禮皆不從既而禮部太常寺  
言五禮命使據開元納采問名合用一使其納吉納成  
告期各別日遣使今未委三禮共遣一使或各遣使文  
武百官詣行第班迎文武大卿監武臣正任刺史以上

宣德門外班迎緣至日行第門外已設皇后車乘儀仗  
逼隘不容百官車馬其文武百官欲並於宣德門外立  
班奉迎案士昏禮用鴈所以為贄也又案曲禮凡贄天  
子鬯鄭康成謂天子無客禮以鬯為贄者惟用告神今  
已據周禮用穀圭聘后欲更不用雁文德殿發制欲依  
發冊例立仗或止用月朔視朝仗百官朝服詔納吉納  
成告期令各遣使文德殿發制依發冊例立仗餘並從  
之

清波雜誌 元祐大昏呂正獻公當國執議不用樂宣仁  
云尋常人家娶個新婦尚熬幾個樂人如何官家卻不  
得用欵聖云更休與他懣宰執理會但自安排著遂令  
教坊鈞容伏宣德門裏皇后乘輦車甫入兩部關門衆  
樂具舉久之伶官輦出賞物語人曰不可似得這個科  
第相公卻不教用寶錄具書納后典禮但言昏禮不賀  
不及用樂一節王彥霖繫年  
錄載六禮特詳亦不書此

宋史哲宗本紀 元祐七年夏四月己未立皇后孟氏甲  
子命呂大防為皇后六禮使五月戊戌御文德殿冊皇  
后

老學菴筆記 元祐七年哲廟納后用五月十六日法  
駕出宣德門行親迎之禮初道家以五月十六日為

天地合日夫婦當與寢違化者必夫死故世以為忌  
當時太史選定乃謂人主與后猶天地也故特用此  
日將降詔矣皇太妃特以為不可上亦疑之宣仁獨  
以為此詒俗忌耳非典禮所載遂用之其後詔獄既  
興宜者復謂若廢后可弭  
此禍上意亦不可回矣

徽宗本紀徽宗崇寧二年九月辛巳詔宗室不得與元  
祐姦黨子孫為昏姻

政和三年四月庚戌班五禮新儀閏月改公主為帝姬  
禮志政和三年四月議禮局上皇子納夫人儀采擇使  
者曰奉制某王之儷屬子懿淑謹之重之使某行采擇

之禮儻者入告主人曰臣某之子顛愚不足以備采擇  
恭承制命臣某不敢辭問名使者曰某王之儷采擇既  
諧將加官占奉制問名儻者入告主人曰制以臣某之  
子可以奉侍某王臣某不敢辭告吉使者曰官占既吉  
奉制以告儻者入告主人曰臣某之子愚弗克堪占既  
之吉臣與有幸臣某謹奉典制告成使者曰官占云吉  
嘉偶既定制使某以儀物告成儻者入告主人曰奉制  
賜臣以重禮臣某謹奉典制告期使者曰涓辰之良某

月某日吉制使某告期儻者入告主人曰臣某謹奉典制前期太史局擇日奏告景靈宮賜告前一日主人設使者次如常儀使者以內侍為之又設告箱之次于中門外北向隨闕所向設香案於寢庭其日大昕使者公服至主人出迎于大門外北面再拜使者不答拜謁者引使者入門而左主人入門而右舉告箱者同入主人立香案左使者在右舉告箱者以告置於香案女相者引夫人出面闕立使者稱有制女相者贊再拜使者曰

賜某國夫人告又贊再拜退使者出皇帝醮戒於所御

之殿皇子乘象輅親迎同牢夫人朝見盥饋皇帝皇后

享夫人如儀其諸王以下納采賓曰某官以伉儷之重

施於某王

某官謂主人  
某王謂壻

某王率循彛典以某將事敢請

納采

某王謂壻  
父某謂賓

賓者入告主人曰某之子弗嫻於姆訓

維是暇修棗栗之饋未知所以告虔也某聽命於廟敢

不拜嘉問名賓曰合二姓之好必稽諸龜筮敢請問名

賓者入告主人曰某王恭謹重正昏禮將以加諸卜某

敢不以告納吉賓曰某王承嘉命稽諸卜筮龜筮協從  
使某以告儻者入告主人曰某王不忘寒素欲施德于  
某未教之女而卜以吉告某曷敢辭納成賓曰某官以  
伉儷之重施於某王某王率循彝典有不腆之幣以某  
將事敢請納成儻者入告主人曰某王順彝典申之以  
備物某敢不重拜嘉請期賓曰某王謹重嘉禮將卜諸  
近日使某請期儻者入告主人再辭儻者出告賓曰某  
既不獲受命于某官某王得吉卜曰某日敢不以告儻



者入告主人曰謹奉命以從親迎前一日主人設賓次如常儀其日大昕壻之父服其服告於禰廟子將行父醮之於廳事贊者設父位中間南向設子位於父位之西近南東向父即坐子公服升自西階進立位前贊者注酒于醴西向授子子再拜跪受贊者又設饌父位前子舉酒興即坐飲食訖降再拜進立於父位前命之曰躬迎嘉偶釐爾內治子再拜曰敢不奉命又再拜降出詣女家主人服其服告於禰廟如請期之儀賓將至主

人設神位於寢戶外之西設醴女位於戶內南向具酒饌賓至贊者引就次女盛服於房中就位南向立姆位於右從者陪其後父公服升自東階立於寢戶外之東西向內贊者設酒饌女就位坐飲食訖降再拜內贊者徹酒饌主人降立東階東南西面贊者引賓出次立於門西東面備者進受命出請事賓曰某受命於父以茲嘉禮躬聽成命備者入告主人曰某固願從命備者出告訖入引主人迎賓大門外之東西面揖賓賓報揖主

人入門而右賓入門而左執雁者從入陳雁於庭三分  
庭一在南北向主人升立於東階上西南賓升西階進  
當寢戶前北面再拜降出主人不降送賓初入門母出  
立於寢戶外之西南面賓拜訖姆引女出於母左父命  
之曰往之汝家以順為正無忘肅恭母戒之曰必恭必  
戒無違舅姑之命庶母申之曰爾誠聽於訓言母作父  
母羞女出門婿先還第其同牢廟見見舅姑諸禮皆如

儀

文獻通考四朝國史傳國朝帝女封公主沿襲漢唐或以美名或以國姊妹曰長公主諸姑曰大長公主至始祖則或加兩國政和三年蔡京為相建議以為不典始改為帝姬以二字易國名四字易兩國名自宗祖以降數十女皆追加封冊至中興時始復初故今所書但仍舊式唯徽宗諸主乃從一時之制云

帝姬降嫁儀納采問名納吉請期壻家具禮物納成修表如儀前期太史局擇日差官奏告景靈東西宮親迎

前一日所司於東門外量地之宜西向設壻次其日大  
昕壻之父服其服告於禰廟曰天子降女於某以某日  
親迎敢告再拜子將行父醮子於廳事贊者設父位於  
中間南向設子位於父之西近東南向父即座子公服  
升自西階進立於位前贊者注酒於醴西向授子子再  
拜跪受贊者又奉饌設於位前子舉酒興即座飲食訖  
降再拜贊禮者引立於父位前父命之曰往迎肅雍以  
昭惠宗祐子再拜曰祗率嚴命又再拜降出乘馬至東

華門內下馬禮直官引就次有司陳帝姬鹵簿儀仗於  
內東門外俟帝姬將升厭翟車禮直官引壻出次立於  
內東門外躬身西向掌事者以鴈陳於前內謁者奉雁  
以進俟帝姬升車訖壻再拜先還第同牢其日初昏掌  
事者設巾洗各二一於東階東南一于室之北水在洗  
東尊於室中寶四爵兩卷於篚壻至本第下馬以俟帝  
姬至降車贊者引壻揖帝姬以入及寢門又揖壻導帝  
姬升降入室盥洗掌事者布對位壻揖帝姬皆即座受

醖三飲壻及帝姬俱興再拜訖贊者徹酒見舅姑夙興  
帝姬著花釵服褕翟以俟見贊者設舅姑位於堂上東  
西相向舅位於東姑位於西舅姑服其服俱就位後立  
女相者引帝姬升自西階詣舅位前再拜訖贊者以棗  
栗授帝姬帝姬奉棗栗置於舅位前舅即座贊者進徹  
以東帝姬退復位又再拜女相者又引帝姬詣姑位前  
再拜訖贊者以脍脩授帝姬帝姬奉脍脩置於姑位前  
姑即座贊者進徹以東帝姬退復位又再拜次醴婦盥

饋享婦如儀

政和五年五月嘉德帝姬下嫁曹寅詔用新儀行盥饋之禮皇后宮闈送至第外命婦免從

宋史徽宗本紀政和六年六月癸未皇太子納妃

文獻通考重和元年十一月蔡京請免茂德帝姬下降見舅姑行盥饋之禮詔不允又詔神考治平間親灑宸翰以王姬下降躬行舅姑禮革去歷代沿習之弊以成

婦道



宋史寧宗本紀嘉定六年二月詔宗室母與胥吏通昏

著為令

司馬氏書儀男子年十六至三十女子十四至二十

古禮

男三十而娶女二十而嫁案家語孔子十九娶於宋元  
官氏一歲而生伯魚伯魚年五十先孔子卒然則古人  
之娶未必皆三十也禮蓋言其極至者謂男不過三十  
女不過二十耳過此則為失時矣令令文凡男年十五  
女年十三以上並聽昏嫁蓋以世俗早昏之弊不可猝  
革又或孤弱無人可依故順人情立此制度不嚴于刑  
耳若欲參古今之道酌禮令之中順天  
地之理合人情之宜則若此之說當矣

身及主昏者無

期以上喪皆可成昏

士昏禮請期之辭惟是三族之不  
虞三族謂父己子之昆弟是期服

皆不可以昏也雜記曰夫功之末可以嫁子然則必先  
大功未葬亦不可以主昏也今依律文以從簡易

使媒氏往來通言俟女氏許之然後遣使者納采後者擇家

之子弟為之凡議昏姻當先察其婿與婦之性行及家  
法何如勿苟慕其富貴婿苟賢矣今雖貧賤安知其異時  
不富貴乎苟為不肖令雖富盛安知其異時不貧賤乎孔  
子謂南容邦有道不廢邦無道免于刑戮以其兄之子  
妻之彼行能必有過人者故邦有道不廢也寡言而慎  
事故邦無道免于刑戮也擇婿之道莫善於是矣婦者  
家之所由盛衰也苟慕一時之富貴而娶之彼挾其富  
貴鮮有不輕其夫而傲其舅姑養成驕妬之性異日為  
患庸有極乎借使因婦財以致富依婦勢以取貴苟有  
丈夫之志氣者能無媿乎又世俗好於襁褓童幼之時  
輕許為昏亦有指腹為昏者及其既長或不肖無賴或  
月有惡疾或家貧凍餒或喪服相仍或從宦遠方遂至

棄信負約連獄至訟者多矣是以先祖太尉嘗曰吾之  
男女必俟既長然後議昏昏既通書不數月必成昏故  
終身無此悔乃  
子孫所當法也  
納采納具采前一日主人謂壻之祖

如無則以即日男家長  
為之女家主人准此以香酒脯醢無脯醢者止用食一二味可也先

告於影堂主人北向立焚香酌酒俛伏興立祝懷辭以

家之子弟為之後准  
此辭為寫祝文于紙  
由主人之左進東向措笏出辭跪

讀之曰某壻父之子某壻敢告祝興主人再拜出撤闔

影堂門乃命使者如女氏士昏禮無先告廟之文而六禮皆行之于禰廟春秋傳鄭

忽先配而後祖陳鍼子曰是不為夫婦証其祖矣楚公  
子圓娶於鄭曰圓布几筵告於莊珪之廟而來然則古

之昏姻皆先告于祖禰也夫昏姻家之大事其義不可不告

女家主人亦告于祖禰

曰某之女某將嫁於某氏如壻父之儀其日日出

昏禮自請

期以上昏用所日出時也

使者盛服執生鴈左首飾以纁

用鴈為勢者取其順

陰陽往來之義若無生鴈則刻木為之飾以纁謂以生色繒交絡縛之

止於女氏之門外

門者入告女家主人盛服出迎揖讓入門揖讓升堂主

人立阼階上西向賓立西階上稍北東向

士昏禮賓升西階當阿東

面注云阿棟也入堂深示親親今之室堂必不合禮故稍北而已

賓曰吾子有惠貺室

某壻也某

壻父名

有先人之禮使某

使者名

請納采主人對

曰某

名女父

之子

妹姪孫惟其所當

蠢愚又弗能教吾子命之某

不敢辭

儀禮元使償往來傳命別有致命之辭今從簡

北面再拜

此敬壻父之命非拜賓也

賓避席立不答拜

未使不敢與尊長抗禮

主人賓皆進就兩楹間

並立南向賓授鴈主人受之以授執事乃交授書

書者別書

納米問名之辭於緇後繫年月日昏主官位姓名止賓主各懷之既授鴈因交相授書壻家書藏如家女家書藏壻家以代今之世俗行書

納於懷退各以授執事者賓降出門東

向立問名主人降階立俟於門內之東西向使償者

出請事

償者主人擇子弟為之

賓曰請問名償者入告主人出延

賓賓執鴈復入門與主人揖讓升堂復前位賓曰某

使

名既受命將加諸卜敢問女為誰氏對曰吾子有命且

以備數而擇之某不敢辭女子第幾賓授鴈交授書降

出主人立於門內如初儻者出延賓曰請醴從者對曰

某既得將事矣敢辭主人曰敢固以請賓曰某辭不得

命敢不從遂入與主人揖讓拜起

使者舊拜主人於此方叙私禮

飲酒

三行或設食而退如常儀

納吉

歸下得吉兆復使使者往告昏姻之事於

是定計納采之前已卜矣於此告女家以成六禮也

用雁賓曰吾子有貺命某

壻

名加諸卜占曰吉使某使者名也敢告主人對曰某女父名

之子不教惟恐弗堪子有吉我與在某女父名不敢辭餘如

納幣禮納幣士昏禮納徵元纁束帛儻皮如納吉禮注徵成也使者納幣以成昏禮用雜

色繒五匹為束纁既染為元纁則不堪他用且恐笄家不能辨故但雜色繒五匹卷其兩端合

為一束而已兩鹿皮使者執束帛執事者二人執皮反之令

丈在內左手執前兩足右手執後兩足隨賓入門及庭

三分之一而止北面西上賓與主人揖讓升堂賓曰吾

子有嘉命既室某使者名也請納幣主人對曰吾子順先

典貺某

名女父

重禮某不敢辭敢不承命於賓之致命也

執皮者釋外足復之令文在外於主人之受幣也主人

之執事者二人自東來出於執皮者之後受皮於執皮

者之左逆從東出餘如納吉禮

請期

夫家卜得吉日使使者往告之

用

鴈賓曰吾子有賜命某

名婿父

既申受命矣使某

名使者

也

請吉日主人曰某既前受命矣惟命是聽賓曰某

名婿父

命某

名使者

聽命于吾子主人曰某固惟命是聽賓曰某

使某受命吾子不許某敢不告期曰某日主人曰某敢



不謹須餘如納幣禮親迎前期一日女氏使人張陳

其婿之室

俗謂之鋪房古雖无之然今世俗所用不可廢也牀榻薦席椅卓之類婿家當具之

帳幔衾綯之類女家當具之所張陳者但趨褥帳幔帷幙之類應用之物其衣服襪履等不用者皆銷之篋笥世俗盡陳之欲矜誇富多此乃婢妾小人之態不足為也文中子曰昏娶而論財夷虜之道也夫昏姻者所以合二姓之好上以事宗廟下以繼後世也今世俗之禽鄙者將娶婦先問資裝之厚薄將嫁女先問聘財之多少至于立契約云某物若干某物若干以求售其女者亦有既嫁而復欺給負約者是乃駮儻鸞奴賣妾之法豈得謂之士大夫昏姻哉其舅姑既被欺給則殘虐其婦以極其忿由是愛其女者務厚資裝以悅其舅姑殊不知彼貧鄙之人不可盈厭資裝既竭則安用汝力哉於是質其女以資售于女氏資有盡而責無窮故昏姻

之家往往終為仇讎矣是以世俗生男則喜生女則戚至有不舉其女因此故也然則議婚姻有及于財者皆勿與為昏姻可也絢音陶祖祖朋切僧工外切及期壻具盛饌古者用牢而食必殺牲開元禮一品以下用少牢六品以下用特牲恐非貧家所便故止具臠饌而已

設盥盆二於阼階

東南皆有二盥盆中央有勺設椅卓各二于室中東西

相向各置杯七箸蔬果於卓子上罩之

士昏禮滕布席于與夫入于室

即席婦尊西南面既設饌御布對席今室堂之制異于古故但東西向而已古者命士以上父子皆異宮故各有堂室與阼今則不然子舍隘狹或東西北向皆不可知今既設南向之室而言之左為東右為西前為南後為北酒壺在東席之後墉下置合卷一注於其南卓子上

盃以匏剖而為二音謹

又設酒壺於室外亦一注有盃

此所以飲從者也室

外隘則於剛近外室置之其盃數為時量人之多少也

又設酒壺盃注於堂上初

昏婿盛服

世俗新婿盛戴花勝攤蔽其首殊失丈夫之家體必不得已且隨俗戴花一兩枝勝一兩

杖可也

主人亦盛服坐於堂之東序西向設婿席於其西

北南向婿升自西階立於席西南向贊者

兩家各擇親戚婦人習於

禮者為之凡婿及婦行禮皆贊者相導之

取盃斟酒執之詣婿席前北向立

婿再拜升席南向受盃跪祭酒興就席末坐啐酒興降

西授贊者盃又再拜

此所謂醢也

進詣父座前東向跪父命

之曰往迎爾相承我宗事勉率以謹若則有常

祖父在則祖父

命之子曰諾惟恐弗堪不敢忘命俛伏興再拜出乘馬至

於女氏之門外下馬俟於次

女家必先設壻次于外

女家亦設酒

壺杯注於堂上於壻之將至女盛飾姆相其禮

姆音茂以乳母

或老女僕為之

奉女立于室戶外南向姆在其右從者在後父

坐於東序西向母坐於西序東向

祖父母在則祖父母醮而命之

設婦

席於母之東北南向贊者醮以酒如壻父醮子之儀姆

導女出於母左父少進命之曰戒之謹之夙夜無違爾

舅姑之命母送女至於西階上為之整冠歛帔命之曰  
夙夜無違爾閨門之禮諸母姑嫂姊送於中門之內為  
之整裙衫申以父母之命曰謹聽爾父母之言夙夜無  
愆父既醮女即先出迎壻於門外揖讓以入壻執鴈以  
從至於廳事主人升自阼階立西向壻升自西階北向  
跪置鴈於地主主人侍者受之壻俛伏興再拜主人不答  
拜姆奉女出於中門壻揖之降自西階以出婦從後主  
人不降送壻至婦輿車後之右舉簾以俟姆辭曰未教

不足與為禮也

士昏禮婿御婦車投綏如辭不受注婿御者親而下之綏所以引升車者僕人之

之禮必授人綏今車無綏故舉簾以待之

婿乃自車右由車前過立於左轅

側姆奉婦登車下簾婿右執策左撫轅行驅車輪三周

止車以俟

今婦人幸有轡車可乘而世俗重檐子輕轡車借使親迎時暫乘轡車庸何傷哉然人亦

有性不能乘車乘之即嘔吐者如此則自乘轡子其御輪三周之理更無所施如亦無所用矣

婿乘馬

在前婦車在後亦以二燭前導

男率女公從男夫婦剛柔之義自此始也

婿

先至廳事婦下車揖之遂導以入婦從之執事先設香

酒脯醢於影堂

無脯醢量具散差一兩味

舅姑盛服立於影堂之上

舅在東姑在西相向贊者導壻與婦至於階下北向東

上

無階則立於影堂前

主人進北向立焚香跪酌酒俛伏興立祝

懷辭由主人之左進東面搢笏出辭跪讀之曰某

壻名以

令月吉日迎婦某

婦姓

昏事見祖禰祝懷辭出笏興主人

再拜退復位壻與婦拜如常儀出撤闔影堂門

古無此禮今謂

之拜先靈亦不可廢也

贊者導壻揖婦而先婦從之適其室壻立

於南盥之西婦立於北盥之西皆東向婦從者沃壻盥

於南壻從者沃婦盥於北

從者各以其家之

女僕為之前惟此

而行升自西階

士昏禮及寢門揖入升自西階媵御沃盥交注媵送也謂如洗者也御音訝御

迎也謂婿從者也媵沃壻于南洗御沃婦于北洗夫婦始接情有庶耻媵御交導其志紫洗在阼階東南既升階不云降階何由復至洗所故令先盥而升階 婦從者布席於閭向東方壻

從者布席於西方壻婦踰閭壻立於東席婦立於西席

婦拜壻答拜

古者婦人與丈夫為禮則使拜鄉里舊俗男女相拜女子先一拜男子拜如一拜女

子又一拜蓋由男子以再拜為禮女子以四拜為禮故也古无壻婦交拜之儀今世俗始相見交拜拜致恭亦 甯理之宜不可廢也使音史 壻揖婦就坐壻東婦西 古者同作之禮壻在西東而婦 在東西而蓋古人尚右故壻在西 壻從者徹罍置饌壻 尊之也令人既尚左且循從俗



婦皆先祭後食食畢壻從者啟壺入酒於注斟酒壻揖

婦祭酒舉飲置酒舉殺

殺者乃今之酒也

又斟酒舉飲不祭無

殺又取簋分置壻婦之前斟酒舉飲不祭無殺壻出就

他室姆與婦留室中乃徹饌置室外設席壻從者餞婦

之餘婦從者餞壻之餘壻復入室脫服婦從者受之婦

脫服壻從者受之燭出

古詩云結髮為夫婦言自稱萬始結髮以來即為夫婦猶李廣

云廣結髮與匈奴戰也今世俗有結髮之儀此尤可笑

於壻婦之適其室也主人

以酒饌禮男賓於外廳主婦以酒饌禮女賓于中堂如

常儀

古禮明日舅姑乃  
來送皆令從俗

不用樂

曾子問曰取婦之家三  
日不陳樂思嗣親也今

俗昏禮用樂

殊為非禮

婦見舅姑婦明日夙興盛服飾俟見舅

姑執事者設盥盆於堂阼階下悅架在北兄弟姊妹立

於盆東如冠禮男女異列男在西女在南皆北上平明

舅姑坐於堂上東西相向各置卓子于前贊者見婦于

舅姑婦北向拜舅於堂下

古者科于堂上  
今恭也可從眾

執筭

古筭制  
度漢世

已不能知今但取小箱以帛  
衣之皂表緋裏以代筭可也

實以棗栗升自西階進至

舅前北向奠於卓子上舅撫之侍者徹去婦降又拜舅

畢乃拜姑別受筭寶以服脩

服脩今之暴脯是也

升進至姑前北

向奠於卓子上姑舉之以授侍者婦降又拜執事者設

席於姑之北南向設酒壺及注盃卓子於堂上婦升立

於席西南面贊者醴婦如父母醮女之儀婦降西階就

兄弟姊妹之前其長屬應受拜者少進立婦乃拜之無

贊拜畢長屬退

長屬雖多共為一列受拜以從簡易

幼屬應相拜者

今世俗小

即小姑皆相拜

少進相拜畢退無贊

若有尊屬則婦往拜於其室有卑屬則來拜于婦室

婦退休於其室至食時行盥饋之禮婦家具盛饌酒壺

士昏禮婦盥饋特服合升側載注側載者右胖載之舅  
祖左胖載之姑祖今恐貧者不便殺特故但具臠饌而

已婦從者設蔬果卓子於堂上舅姑之前設盥盆於阼

階東南悅架在東婦盥於阼階下執饌自西階升

几子  
婦升

降皆應自西階惟家  
婦受亦畢降自阼階薦於舅姑侍立於姑之後饌有繼

至者侍者傳至於西階不盡一級婦往受之薦於舅姑

侍者徹餘饌置於旁側別室舅姑侍者各置一卓子上

食畢婦降拜舅升洗盃斟酒置舅卓子上降俟舅舉酒

飲畢又拜遂獻姑姑受而飲之餘如獻舅之儀婦升徹

飯侍者徹其餘皆置別室婦就餽姑之饌畢婦從者餽舅之餘婿從者餽婦之餘舅姑共饗婦於堂上設席如朝來禮婦之位婦升立於席西南向贊者取盃斟酒授婦皆如朝來禮婦之儀舅姑先降自西階婦降自阼階此謂冢婦也餘婦則舅姑不降婦降自西階古者庶婦不饋然饋主供養雖庶婦不可闕也若舅姑已歿則古有三月廟見之禮今已拜先靈更不行若舅姑止一人則舅坐于東序姑坐于西序席婦于姑坐之北

婿見婦之父母明日婿往見婦之父母皆有幣婦父迎送揖讓皆如客禮拜即跪而扶之人見婦母婦母闔門

左扉立於門內壻拜於門外次見妻黨諸親拜起皆如

俗儀而無幣見諸婦女如婦母之禮婦家設酒饌壻如

常儀

親迎之夕不當見婦母及諸親亦不當行私禮設酒饌以婦未見舅姑故也

朱子家禮昏禮議昏男子年十六至三十女子年十四

至二十身及主昏者無期以上喪乃可成昏

大功未葬亦不可主

昏凡主昏如冠禮主人之法但宗子自昏則以族人之長為主

必先使媒氏往來通言

俟女氏許之然後納采

納采

納其采擇之禮即今世俗所謂言定也

主

人具書

主人即主昏者書用牋紙如世俗之禮如族人之子則其父具書告于宗子

夙興奉

以告祠堂

如告冠儀其祝版前同但云某之子某若某之某親之子某年已長成未有伉儷已議娶

某官某郡祖名之女今日納采不勝感愴謹以復同若宗子自昏則自告

乃使子弟為使者

如女氏女氏主人出見使者

使者盛服如女氏女氏亦宗子為主主人臧服出見

使者非宗子之女則其父位于主人之右尊則少進卑則少退啜茶畢使者起致辭曰吾子有惠貺室某也某之某親某官有先人之禮使某請納采從者以書進使者以書授主人主人對曰某之子若妹姪蠢愚又弗能教吾子命之某不敢辭北向再拜使者避不答拜使者請退俟命出就次若許嫁者於主人為姑姊則不云蠢愚又弗能教餘辭並同

遂奉書以告於祠堂

如婿家之儀祝版前同但云某之第幾女

若某親某之第幾女年漸長成已許嫁某官某郡姓名之子若某親某今日納采不勝感愴謹以復同

出

以復書授使者遂禮之

主人出延使者升堂授以復書使者受之請退主人請禮

賓乃以酒饌禮使者使者至是始與主人交拜揖如常日賓客之禮其從者亦禮之別室昏酬以幣使者

復命壻氏主人復以告祠堂

不用祝

納幣

古禮有問名納吉今不能

盡用止用納米納幣以從簡便幣用色繒貧富隨宜少不過兩多不踰十令人更用釵釧羊酒果實之屬亦可

具書遣使如女氏女氏受書復書禮賓使者復命並同

納采之儀

禮如納米但不告廟使者致辭改采為幣從者以畜幣進使者以書授主人主人對曰吾子

順先典貺其重禮某不敢辭敢不承命乃受書執事者受幣主人再拜使者避之復進請命主人授以復書餘

並同親迎 近則迎於其家遠則迎於其館

前期一日女氏使人張陳其



壻之室

世俗謂之鋪房然所張陳者但幔帳惟

厥

明壻家設位於室中

設檮桌兩位東西相向疏果盤盞匙筋如賓客之禮酒壺在東位之

後又以桌子置合卷一於其南又南北設二盃匳於室東隅又設酒蓋壺注于室外或別室以飲從者卷首

以小炮一判而兩之也

女家設次於外初昏壻盛服

世俗新壻帶花勝擁蔽其

而殊失丈夫之容體勿用可也

主人告於祠堂

如納采儀祝版前同但云某之子某若某親之

子某將以今日親迎於某官某郡某氏不勝感恪謹以復同若宗子自昏則自告

遂醮其子而

命之迎

以卓少設酒罈盤盞于堂上主人盛服坐于堂之東序西向設壻席于其西北南向壻升自

西階立于席西南向壻者取盃斟酒執之詣壻席前壻再拜升席南向受盃跪祭酒興就席末跪呼酒興降席

西設贊者蓋又再拜進詣父坐前東向跪父命之曰往迎爾相承我宗事弗率以敬若則有常婿曰諾唯恐不堪不敢忘命俯伏興出非宗子之子則宗子告于祠堂而其父醮于私室如儀但改宗事為家事若宗子已孤而自昏則

**婿出乘馬** 以二嬭前導

**至女家俟於次** 婿下馬於大門外入

不用此禮

**女家主人告於祠堂** 如納米儀祝版前同但云某之第幾女若某親某之第幾

如將以今日歸于某官某郡

**遂醮其女而命之** 女盛飾姆相之

姓名不勝感愴謹以從同

立于室外南向父坐東序西向母坐西序東向設女席于母之東北南向贊者醮以酒如婿禮姆導女出於母左父起命之曰敬之戒之夙夜無違爾舅姑之命毋送至西階上為之整冠歛帔命之曰勉之戒之夙夜無違爾閨門之禮諸母姑姊姊送至中門之內為之整裙衫申以父母之命曰謹思爾父母之言夙夜無愆非宗

子之女則宗子告于祠堂  
而其父醮于私室如儀

**主人出迎婿入奠鴈**

主人迎婿于門

外揖讓以入婿執鴈以從至於廳事主人升自阼階立西向婿升自西階北向跪置鴈於地主人侍者受之婿俯伏興再拜主人不荅拜若族人之女則其父從主人出迎立於其右尊則少進卑則少退凡勢用生鴈左首以生色繒文絡之無則刻木為之取其順陰陽往來之義程子曰取其不再偶也

**姆奉女出登**

**車**

姆奉女出中門婿揖之際自西階主人不降婿遂出女從之婿舉轎簾以俟姆辭曰未教不足與為禮也

女乃登車 **婿乘馬先婦車**

婦車亦以二燭前導

**至其家導婦以入**

婿至家立

於廳事俟婦下車揖之導以入

**婿婦交拜**

婿從者布婿席於東方婿從者布婦席于西方婿盥于南

婦從者沃之迎帆婦盥于北婿從者沃之迎帆婿揖婦就席婦拜婿荅拜

**就坐飲食畢婿出**

婿揖婦就坐婿東婦西從者斟酒設饌婿婦祭酒舉爵  
 又斟酒婿揖婦舉飲不祭無爵又取卷分置婿婦之前  
 斟酒婿揖婦舉飲不祭無爵婿出就他室姆與婦留室  
 中徹饌置室外設席婿從者餞婦之餘婦從者餞婿之  
 餘

復入脫衣燭出

婿脫服婿從者受之  
 婦脫服婿從者受之

主人禮賓

男賓于外

廳女宥于中堂古禮  
 明日亦從者今從俗

婦見舅姑明日夙興婦見于舅

姑

婦夙興盛服俟見舅姑坐于堂上東西相向各置卓  
 子其家人男女少于舅姑者立于西序如冠禮之叔

婦迎立阼階下北面拜舅升奠置幣于卓子上舅授之  
 侍者以入婦降又拜卑詣西階下北面拜姑升奠贊幣  
 姑舉以授侍者婦降又拜若非宗子之子而與宗子同  
 居則先行此禮於舅姑之私室與宗子不同居則如上  
 儀

舅姑禮之

如父妾醜  
 女之儀

婦見於諸尊長

婦既受禮降自  
 西階同居有尊

於舅姑者則舅姑以婦見于其室如見舅姑之禮選拜  
詣尊長於兩序如冠禮無贊小郎小姑皆相拜非宗子  
之子而與宗子同居則既受禮詣其堂上拜之如舅姑  
禮而還見于兩序其宗子及尊長不同居則廟見而後

### 若冢婦則饋於舅姑

是日食時婦家具成饌酒壺婦從者設蔬果卓子於堂上舅姑

之前設盥盆于阼階東南祝架在東舅姑就坐婦盥升  
自西階洗盥斟酒置舅車子上降俟舅飲畢又拜遂獻  
姑進酒姑受飲畢婦降拜遂執饌升薦于舅姑之前侍  
立姑後以俟卒食徹饌侍者徹飯分置別室婦就餽姑  
之餘婦從者餽舅之餘非舅姑享之  
如禮婦之儀禮畢  
舅姑先降自西階

婦降自阼階

### 廟見三日主人以婦見於祠堂

古者三月而廟見今以其

太遠改用三日如子冠而見之儀但  
告辭曰子某之婦某氏敢見餘並同

### 壻見婦之父母

明日婿往見婦之父母

婦父迎送揖讓如賓禮拜即跪而扶之入見婦母婦必開門左

麻立于門內婿拜於門外皆有幣婦父非宗子即先見宗子夫婦不用幣如上儀然後見婦之父母次見

婦黨諸親

不用幣婦女相見如上儀

婦家禮婿如常儀

親迎之夕不當見婦母及

諸親友設酒饌以婦未見舅姑故也

程子曰昏禮不用樂幽陰之義此說非是昏禮豈是

幽陰但古人重此大禮嚴肅其事不用樂也昏禮不

賀人之序也此說却是婦質明而見舅姑成婦也三

日而後宴樂禮畢也宴不以夜禮也

朱子曰人著書只是自入此己意便做病司馬與伊川定昏禮都依儀禮只略改一處便不是古人意司馬云親迎奠鴈見主昏者即出伊川却教拜了又入堂拜大男小女伊川非是伊川云婦至次日見舅姑三月廟見司馬却說婦入門即拜影堂司馬非是蓋親迎不見妻父母者婦未見舅姑也入門不見舅姑者未成婦也今親迎用溫公入門以後用伊川三月廟見改為三日云

又曰昏禮用命服乃是古禮如士乘墨車而執鴈者  
大夫之禮也冠帶只是燕服非所以重正昏禮不若  
從古之為正

楊氏復曰昏禮有納采問名納吉納徵請期親迎六  
禮家禮略去問名納吉止用納采納幣以從簡便但  
親迎以前更有請期一節有不可得而略者

黃氏瑞節曰補注謂之昏者娶妻之禮以昏為期因  
名焉今世不知昏之為義往往拘忌陰陽家書選擇  
時辰雖所且晝夜亦皆或禮殊為紕繆士昏禮記曰  
凡行事必用昏昕受諸禰廟疏曰用昕使者謂男氏



使向女家納采問名納吉納徵請期五者皆用昕即詩所謂旭日始旦也昏親迎時也

毛氏竒齡曰昏禮問名必先問年月日而後及于名周官所謂媒氏先書年月日名是也蓋年較名為尤重男女伉儷須先許年時以辨長幼其但稱問名而不及年月日者舉一以該二也且問名者謂生時三

月所命之名男女皆有之故周官云男女自成名以上禮曰不相知名儀禮敢問女為誰氏注謂問女母所出之姓則不然禮稱問名未嘗稱問姓即曰以姓為名則女名父姓如曰某姬某姜未聞以母姓稱名者又解曰氏者字也女幼命之名及長而易之以字與男子同所云誰氏者言何字也則又不然據公羊傳女子許嫁稱字則問名時未許嫁也則問名非問氏且非問字鄭康成謂問名有二一是三月所命之名一是長時所命名如伯姬叔姬類則仍無字矣

鴈本贄物非禮物鴈者大夫所執之贄昏禮攝盛

故士禮用鴈得借大夫禮亦謂之下達今人認為納昏禮物以為昏禮必用鴈或云取不辱偶之義或云取順陰陽往來之義可笑甚矣春秋天子不親迎使公卿迎之祭公迎王后于紀單靖公逆王后於齊是也諸侯則親迎或有故若疾病及越境未便則遣大夫迎之莊公如齊逆女為親迎公子翬如齊逆女為遠迎是也大夫以下則無不親迎者雖越境亦然鄭忽娶於陳楚公子圍娶于鄭襄仲娶於莒莒慶齊高固娶于魯昏親迎是也

蕙田案毛大可昏禮辨正以儀禮家禮為非是語多不經不足置辨唯論問名一條稍有發明以鴈為贄物攝盛原本朱子語而考證

親迎一條詞亦簡括故附存之

右宋昏禮

遼史聖宗本紀統和元年二月以皇女長壽公主下嫁國舅宰相蕭博爾桑之子烏里

禮志公主下嫁儀選公主諸父一人為昏主凡當與者媒者致詞之儀自納幣至禮成大略如納后儀擇吉日詰旦媒者趣尚主之家詣宮族皇帝皇后御便殿率其族入見進酒訖命皇族與尚主之族相偶飲翼日尚主

之家以公主及壻率其族人見致宴於皇帝皇后獻贐  
送者禮物訖朝辭賜公主青幃車二螭頭蓋部皆飾以  
銀駕馳送終車一車樓純錦銀螭懸鐸後垂大氊駕牛  
載羊一謂之祭羊擬送終之具至覆尸儀物咸在賜其  
壻朝四時襲衣鞍馬凡所須無不備選皇族一人送至  
其家 親王女封公主者昏儀倣此以親踈為差降  
聖宗本紀統和四年九月丙寅朔皇太妃以上納后進  
衣物馳馬以助會親頒賜戊寅內外命婦進會親禮物

辛巳納皇后蕭氏

禮志皇帝納后之儀擇吉日至日后族畢集詰旦后出私舍坐於堂皇帝遣使及媒者以牲酒饗餼至門執事者以告使及媒者入謁再拜平身立少頃拜進酒於皇后次及后之父母宗族兄弟酒徧再拜納幣致詞再拜訖后族皆坐特哩袞夫人四拜請就車后辭父母伯叔父母兄各四拜宗族長者皆再拜皇后升車父母飲后酒致戒辭徧及使者媒者送者發輒伯叔父母兄飲皇后

酒如初教坊遮道贊祝后命賜以物后族追拜進酒遂  
行將至宮門宰相傳勅賜皇后酒徧及送者既至特哩袞  
率皇族奉迎再拜皇后車至便殿東南七十步止特哩袞  
夫人請降車負銀罌捧膝履黃道行後一人張羔裘若  
襲之前一婦人捧鏡却行置鞍於道后過其上乃詣神  
主室三拜南北向各一拜酌酒向謁者一拜起居訖再  
拜次詣舅姑御容拜奠酒選皇族諸婦宜子孫者再拜  
之授以罌膝詣諸帝御容拜奠酒神賜襲衣珠玉珮飾

拜受服之后姊若妹陪拜者各賜物皇族迎者后族送者徧賜酒皆相偶飲訖后坐別殿送后者退食於次媒者傳旨命送后者列於殿北竢皇帝即御座選皇族尊者一人當輿坐主昏禮命執事者往來致辭于后族引后族之長率送后者升當御座皆再拜又一人少進附奏送后之詞退復位再拜后族之長及送后者向當輿者三拜南北向各一拜向謁者一拜后族之長跪問聖躬萬福再拜復奏送后之辭又再拜當輿者與媒者行

酒三周命送后者再拜皆坐終宴翼日皇帝晨興詣先  
帝御容拜奠酒訖復御殿宴后族及羣臣皇族后族偶  
飲如初百戲角觝戲馬較勝以為樂又翼日皇帝御殿  
賜后族及贐送后者各有差受賜者再拜進酒再拜皇  
帝御別殿有司進皇后服飾之籍酒五行送后者辭訖  
皇族獻后族禮物后族以禮物謝當與者禮畢

國語解拜與禮凡納后即族中選尊者一人當與而  
坐以主其禮為之與始送后者拜而致敬故云拜與  
禮



聖宗本紀太平八年六月權北院大玉耶律哲魯奏今歲十一月皇太子納妃諸族備會親之帳詔以豪盛者三十戶給其費十一月丙申皇太子納妃蕭氏

興宗本紀重熙十六年定公主行婦禮於舅姑儀

金史太宗本紀天輔元年夏五月詔自收寧江州以後同姓為昏者杖而離之

太宗本紀天會五年四月詔曰哈斯罕諸部與新附人民其在降附之後同姓為昏者離之

八年五月禁繼父繼母之男女無相嫁娶

十四年四月詔諸良人知情嫁奴者聽如故為妻其不知而嫁者去住悉從所欲

海陵本紀天德二年十一月命庶官許求次室二人百姓亦許置妾

世宗本紀大定九年正月制漢人渤海兄弟之妻服闋歸宗以禮續昏者聽

十七年正月詔朝官嫁娶給假三日不須申告十二月

戊辰以渤海舊俗男女昏娶多不以禮必先攘竊以奔  
詔禁絕之犯者以姦論

章宗本紀明昌元年十月制民庶聘財為三等上百貫  
次五十貫次二十貫

承安五年三月戊辰定妻亡服內昏娶聽離制辛巳定  
本國昏聘禮制七月癸亥定居祖父母喪昏娶聽離法  
十二月辛丑詔官籍監戶百姓自願以女為昏者聽

泰和五年六月丁酉制定本朝昏禮

六年十一月乙酉詔屯田軍戶與所居民為昏姻者聽元史順帝本紀至元六年七月禁色目人勿妻其叔母十一月甲寅監察御史實達爾言宜禁達實愛滿回輝和爾人等叔伯為昏姻

右遼金元昏禮

明史禮志天子納后儀昏禮有六天子惟無親迎禮漢晉以來皆遣使持節奉迎明興諸帝昏即位後行冊立禮正統七年英宗大昏始定儀注凡納采問名前期擇

日遣官告天地宗廟至期設御座制案節案鹵簿綵輿  
中和大樂如儀禮部陳禮物於丹陛上及丈樓下質明  
皇帝冕服陞座百官朝服行禮訖各就位正副使朝服  
四拜執事舉制案節案由中門出禮物隨之俱置丹陛  
中道傳制官宣制曰茲選某官某女為皇后命卿等持  
節行納采問名禮正副使四拜駕興舉制節案由奉天  
門中門出正副使取節及制書置綵輿中儀仗大樂前  
導出大明門釋朝服乘馬行詣皇后第第中設使者幕

次於大門外左南向設香案於正堂設制節案於南別  
設案於北使者至引禮導入幕次執事官陳禮物于正  
堂使者出次奉制書於案禮官先入立於東主昏朝服  
出立於西禮官曰奉制建后遣使行納采問名禮引主  
昏者出迎使者捧制書及節主昏者隨至堂置制書及  
節於案正副使分立案左右主昏者四拜詣案前跪正  
使取納采制宣曰朕承天序欽紹鴻圖經國之道正家  
為本夫婦之倫乾坤之義寔以相宗祀之敬協奉養之

誠所資惟重祇遵聖母皇太后命遣使持節以禮采擇  
宣訖授主昏者主昏者授執事者置于北案上稍左副使  
取問名制宣曰朕惟夫婦之道大倫之本正位乎內必  
資名家特遣使持節以禮問名尚佇來聞宣訖授如前  
置案上稍右主昏者俯伏興執事舉表案以表授主昏  
者主昏者跪授正使表曰臣某伏承嘉命正使某官某  
等重宣制詔問臣名族臣女臣夫婦所生先臣某官某  
之曾孫先臣某官某之孫先臣某官某之外孫臣女今

年若干謹具奏聞主昏者俯伏興退四拜使者出置表綵輿中主昏者前曰請禮從者酒饌畢主昏者捧幣以勞使者使者出主昏者送至大門外使者隨綵輿入大

明門左門至奉天門外以表節授司禮監復命

明會典納米周

名禮物元纁紵絲四段元二纁二金一百兩花銀八百兩珍珠五樣紵絲八十疋大紅線羅四疋白生玉紗四疋各色熟絹八十疋綿臙脂一百箇蠟臙脂二兩用金合二箇珠兒粉一十兩開合紵絲六疋木紅絹六疋珠翠花一朶羊八隻猪四口酒一百六十瓶鵝四十隻末茶二十袋圓餅一百六十箇白熟米四石白麪八十袋粟子四合栗子四合木彈四合

次納吉納徵告期傳制遣使並如前儀



但納徵用元纁束帛六馬穀圭等物制詞曰茲聘某官  
某女為皇后命卿等持節行納吉納徵告期禮皇后第  
陳設如前惟更設玉帛案使者至以制書玉帛置案上  
六馬陳堂下執事先設皇后冠服諸物於正堂禮官入  
主昏者出迎執事舉玉帛案正使捧納吉納徵制書副  
使捧告期制書執節者捧節以次入各置於案主昏者  
四拜詣案前跪正使取制書宣曰大昏之卜龜筮師士  
協從敬循禮典遣使持節告吉又宣曰卿女有貞靜之

德稱母儀之選宜其承天地宗廟特遣使持節以禮納  
徵宣訖授主昏者正副使又捧圭及元纁以授主昏者  
俱如前儀副使取制書宣曰歲令月良吉日某甲子大  
昏維宜特遣使持節以禮告期宣訖授如前儀主昏者

四拜使者持節出主昏者禮使者使者還復命如初

明會

典納吉納徵告期禮物元纁紵絲四段元二纁二玉穀  
圭一枝金龍珠翠燕居冠一項簪金燕居服素夾四件  
紵絲一件線羅二件銀絲紗一件大帶各色線羅四條  
玉革帶一條玉花米結緞一副金事伴全玉佩玳瑁一  
副金鈎金事伴全玉雲龍霞帔墜頭一箇金釵花釵一  
雙素釧一雙金連珠鐲一雙玉禁步一副青素紵絲滴

四合	棗四合	末茶六	早五	鞍四	四雙	二十	對	朱紅	件	足	珠	兩	真
合	合	十	十	副	雙	四	對	紅	各	大	二	花	珠
糖	栗	四	二	開	銀	件	對	漆	色	紅	十	銀	兒
四	子	袋	復	合	花	硬	對	戲	被	素	兩	二	粉
合	二	圓	酒	紵	銀	翠	對	金	六	線	千	千	十
蓮	合	餅	三	綠	束	竹	對	皮	牀	羅	六	百	兩
內	合	一	百	八	帶	葉	對	箱	白	八	兩	兩	一
纏	合	十	四	足	二	烏	對	三	絹	尺	兩	兩	雙
四	合	二	十	未	十	紗	對	十	各	足	兩	兩	青
合	合	百	瓶	紅	四	帽	對	對	色	兩	兩	兩	雁
杏	合	箇	猪	熟	條	二	對	單	熟	兩	兩	兩	靴
仁	合	三	三	絹	條	十	對	四	絞	兩	兩	兩	全
纏	合	十	十	八	條	二	對	條	八	兩	兩	兩	珠
四	合	二	二	足	條	十	對	裁	十	兩	兩	兩	翠
合	合	百	口	珠	條	四	對	刺	足	兩	兩	兩	花
砂	合	箇	口	翠	條	項	對	紵	足	兩	兩	兩	四
仁	合	二	口	花	條	皂	對	絲	各	兩	兩	兩	朵
纏	合	百	口	一	條	鹿	對	紗	色	兩	兩	兩	翠
四	合	十	口	朵	條	皮	對	羅	衣	兩	兩	兩	花
合	合	袋	口	北	條	靴	對	錦	七	兩	兩	兩	四
	合	膠	口		條	二十	對	二	十	兩	兩	兩	朵
	合		口		條		對	東	十	兩	兩	兩	翠
	合		口		條		對	二	十	兩	兩	兩	花
	合		口		條		對	東	十	兩	兩	兩	四

次發冊奉迎所司陳設如前儀禮部陳鴈及禮物於丹  
陛上內官監陳皇后鹵簿車輅於奉天門外制詞曰茲  
冊某官某女為皇后命卿等持節奉冊寶行奉迎禮正  
副使以冊寶置綵輿中隨詣皇后第至門取制書冊寶  
置案上禮官先入主昏者朝服出見禮官曰奉制冊后  
遣使持節奉冊寶行奉迎禮主昏者出迎執事者舉案  
前行使者捧制書及節執事者以鴈及禮物從之至堂  
中各置於案使者左右立主昏者四拜退立於西南女

官以九龍四鳳冠褱衣進皇后內官陳儀仗於中堂前  
設女樂於堂下作止如常儀使者以節冊寶授司禮監  
官內贊導入中堂皇后具服出閣詣香案前向闕立四  
拜贊宣冊皇后跪宣冊官宣訖以授皇后皇后措圭受  
冊以授女官女官跪受立于西贊宣寶如宣冊儀贊出  
圭贊興四拜訖皇后入閣司禮監官持節出授使者報  
受冊寶禮畢主昏者詣案前跪正使取奉迎制宣訖授  
主昏者副使進鴈及禮物主昏者皆跪受如前儀主昏

者興使者四拜出主昏者禮使者如初女官奏請皇后出閣自東階下立香案前四拜陞堂南向立主昏者進立於東西向曰戒之敬之夙夜無違退立於東階毋進立於西東向施衿結帨曰勉之敬之夙夜無違退立於西階內執事請乘輿皇后降階升輿導從出儀仗大樂前行次綵輿正副使隨次司禮監官擁導從大明門中門入百官朝服於承天門外班迎候輿入乃退皇后至午門外鳴鐘鼓鹵簿止正副使以節授司禮監復命授

冊寶官捧冊寶儀仗女樂前道進奉天門至內庭幕次  
司禮監以冊寶授女官皇后出輿由西階進皇帝由東  
階降迎於庭揖皇后入內殿帝詣更服處具袞冕后詣

更服處更禮服同詣奉先殿行謁廟禮祭畢還宮

明會典發

冊奉迎禮物串五大紅紵絲二足金冊一副金寶一副  
冠一項首飾一副翟服一副大衫三件紵絲一羅一紗  
一鞠衣繡四件霞帔各色羅繡三副謁一雙襪珍珠全  
駕一副鷹一隻羊一十二隻酒六十瓶膠棗二合粟子

二合木彈二  
合胡桃二合

合卷帝更皮弁陞內殿后更衣從陞各陞

座東西相向執事者舉饌案於前女官取四金爵酌酒

以進既飲進饌復進酒進飯訖女官以兩盃酌酒合和以進既飲又進饌畢興易常服帝從者餞后之饌后從者餞帝之饌次日早帝后皆禮服候太后陞座帝后進座前宮人以殿脩盤立於后左帝后皆四拜執事舉案至宮人以殿脩盤投后后捧置於案女官舉案后隨至太后前進訖復位帝后皆四拜三日早帝冕服后禮服同詣太后宫行八拜禮還宮帝服皮弁陞座女官導后禮服詣帝前行八拜禮后還宮陞座引禮導在內親屬



及六尚等女官行八拜禮次各監局內官內使行八拜禮是日皇帝御奉天殿頒詔如常儀四日早皇帝服衮冕御華蓋殿親王八拜次執事官五拜遂陞奉天殿百官進表行慶賀禮是日太后及皇后各禮服陞座親王入八拜出次內外命婦慶賀及外命婦進表箋皆如常儀五日行盥饋禮尚膳監具膳修皇后禮服詣太后前四拜尚食以膳授皇后皇后捧膳進於案復位四拜退立於西南俟膳畢引出

明會典天子納后先遣官祭告天地宗廟天子臨軒  
命使行六禮東宮納妃則先告廟

蕙田案明天子納后儀志稱英宗大昏始定  
儀注今據會典云皆遵用舊儀而稍有損益  
則是明初已有儀注矣太子納妃儀定於洪  
武元年史稱凡行禮遣使持節如皇帝大昏  
儀則是先有皇帝大昏儀明矣今以禮志所  
載冠於皇太子親王昏禮之前庶尊卑之分

定而時次亦得其宜矣

皇太子納妃歷代之制與納后同隋唐以後始親迎天子臨軒醮戒宋始行盥饋禮明因之洪武元年定制凡行禮皆遣使持節如皇帝大昏儀納采問名制曰奉制納某氏女為皇太子妃命卿等行納采問名禮至妃第儻者出詣使者前曰敢請事使者曰儲宮納配屬於令德邦有常典使某行納采之禮儻者入告主昏者曰臣某之子昧於壺儀不足以備采擇恭承制命臣某不敢

辭儻者出告使者入陳禮物於庭宣制曰某奉詔采擇  
奠鴈禮畢使者出儻者復詣使者前曰敢請事使者曰  
儲宮之配采擇既詣將加卜筮奉制問名儻者入告主  
昏者曰制以臣某之女可以奉侍儲宮臣某不敢辭儻  
者出告使者復入陳禮奠鴈如儀宣制曰臣某奉詔問  
名將謀諸卜筮主昏者曰臣某第幾女某氏出次納吉  
儻者請事如前使者曰謀諸卜筮其占協從制使某告  
吉儻者入告主昏者曰臣某之子蠢愚懼弗克堪卜筮

云吉惟臣之幸臣謹奉典制儻者出告使者入陳禮奠  
鴈如儀宣制曰奉制告吉又次納徵儻者出告使者入  
陳玉帛禮物不奠鴈宣制曰某奉制告成又次請期辭  
曰詢於龜筮某月某日吉制使某告期主昏者曰敢不  
承命陳禮奠鴈如儀又次告廟遣使持節授冊寶儀注  
悉見前文次醮戒皇帝服通天冠絳紗袍御奉天殿百  
官侍立引進導皇太子至丹陛四拜入殿東門就席位  
東向立司爵以醴進皇太子跪搢圭受醴祭酒司饌以

饌進跪受亦如之興就席坐飲食訖導詣御座前跪皇  
帝命之曰往迎爾相承我宗事勗率以敬皇太子曰臣  
某謹奉制首俯伏興出至丹陛四拜畢皇帝還宮皇太  
子出又次親迎前一日有司設皇太子次于妃氏大門  
外南向東宮官次于南東西相向至日質明東宮官具  
朝服陳鹵簿鼓吹於東宮門外皇太子冕服乘輿出侍  
衛導從如儀至宮門降輿升輅東宮官皆從至妃第回  
轅南向降輅升輿至次降輿入就次東宮官皆就次先

是皇太子將至主昏者設會宴女至期妃服褕翟花釵  
出就閤南面立傅姆立於左右主昏者具朝服立於西  
階之下引進導皇太子出次立於大門之東西向儻者  
朝服出立於門東曰敢請事引進跪啟訖皇太子曰某  
奉制親迎引進受命興承傳於儻者儻者入告導主昏  
者出迎於大門外之西東向再拜皇太子答拜引進導  
皇太子入門而左執鴈者從儻者導主昏者入門而右  
皇太子陞東階進立於閤門戶前北向立主昏者升西

階立於西東向引進啟奠鴈執鴈者以鴈進皇太子受鴈以授主昏者主昏者跪受興以授左右退立于西皇太子再拜降自東階出至次以俟主昏者不降送初皇太子入門妃母出立於閤門外奠鴈位之西南向皇太子拜訖宮人傅姆導妃出立於母左主昏者命之曰戒之戒之夙夜恪勤母或違命母命之曰勉之勉之爾父有訓往承惟欽庶母申之曰恭聽父母之言宮人傅姆擎執導從妃乘輿出門降輿乘鳳轎皇太子揭簾訖遂



升輅侍從如來儀至東宮門外降輅乘輿至閣降輿入  
俟於內殿門外之東西面司閨導妃詣內殿門外之西  
東面皇太子揖妃入行合卷禮如中宮儀又次朝見其  
日妃詣內殿陛下候皇帝陞座司閨導妃入北面立再  
拜自西階升宮人奉棗栗盤進至御座前授妃妃奠於  
御前退復位再拜禮畢詣皇后前奉脍脩盤如上儀又  
次醴妃次盥饋次謁廟次羣臣命婦朝賀皆如儀

蕙田案明會典載皇太子六禮禮物與皇帝

昏禮大致略同今不附載

親王昏禮唐制皇子納妃命親王主昏宋皆皇帝臨軒  
醮戒略與皇太子同明因之其宣制曰冊某氏為某王  
妃納采致詞曰某王之儷屬於懿淑使某行納采禮問  
名詞曰某既受命將加諸卜筮奉制問名主昏者曰制  
以臣某之子可以奉侍某王臣某不敢辭納吉詞曰卜  
筮協從使某告吉主昏者曰臣某之子愚弗克堪卜貺  
之吉臣與有幸謹奉典制納徵詞曰某王之儷卜既協

吉制使某以儀物告成主昏者曰奉制賜臣以重禮臣  
某謹奉典制請期詞曰某月日涓吉制使某告期主昏  
者曰謹奉命醮戒命曰往迎爾相用承厥家勗帥以敬  
其親迎合卺朝見盥饋並如皇太子盥饋畢王皮弁服  
妃翟衣詣東宮前行四拜禮東宮坐受東宮妃立受二  
拜答二拜王與妃至妃家妃父出迎王先入妃父從之  
至堂王立於東妃父母立於西王四拜妃父母立受二  
拜答二拜王中坐其餘親屬見王四拜王皆坐受妃入

中堂妃父母坐妃四拜其餘序家人禮太祖之世皇太子皇子有二妃

公主昏禮古者天子嫁女不自主昏以同姓諸侯主之故曰公主唐猶以親王主昏宋始不用惟令掌昏者於內東門納表則天子自為主矣明因之凡公主出降行納采問名禮壻家備禮物表文於家庭望闕再拜掌昏者奉至內東門詣內使前曰朝恩貺室於某官某之子某習先人之禮使臣某請納采以表跪授內使內使跪

受奉進內殿執鴈及禮物者從入內使出掌昏者曰將  
加卜筮使臣某問名進表如初內使出曰有制掌昏者  
跪內使宣曰皇帝第幾女封某公主掌昏者俯伏興入  
就次賜宴出納吉儀與納采同掌昏者致詞曰加諸卜  
筮占曰從吉謹使臣某敬告納徵壻家具元纁玉帛乘  
馬表文如儀掌昏者致詞曰朝恩貺室於某官某之子  
某有先人之禮使臣某以束帛乘馬納徵請期詞曰某  
命臣某謹請吉日親迎日壻公服告廟曰國恩貺室於

某以某日親迎敢告將行父醮於廳隨意致戒壻再拜  
出至內東門內使延入次執鴈及奉禮物者各陳於  
庭其日公主禮服辭奉先殿詣帝后前四拜受爵帝后  
隨意訓戒受命訖又四拜降階內命婦送至內殿門外  
公主陞輦至內東門降輦壻揭簾公主陞轎壻出次立  
執鴈者以鴈跪投壻壻受鴈跪進於內使內使跪受以  
授左右壻再拜先出乘馬還公主鹵簿車輅後發公侯  
百官命婦送至府壻先候於門公主至壻揭簾公主降

同詣祠堂壻東公主西皆再拜進爵讀祝又再拜出詣  
寢室壻公主相向再拜各就坐壻東公主西進饌合卷  
如儀復相向再拜明日見舅姑舅姑坐於東西向公主  
立於西東向行四拜禮舅姑答二拜第十日駙馬朝見  
謝恩行五拜禮

明會典洪武元年令凡民間嫁娶並依朱文公家禮行  
又令男女昏姻各有其時或有指腹割衫襟為親者並  
行禁止

二年凡令嫁娶皆由祖父母父母主昏祖父母父母俱無者從餘親主昏若夫亡携女適人者其女從母主昏若已定昏未及成親而男女或有身故者不追財禮其定昏夫作盜及犯徒流移鄉者女家願棄者聽還聘財其定昏女犯姦經斷夫家願棄者追還聘財五年無故不娶及夫逃亡過三年不還者並聽經官告給執照別行改嫁亦不追其財禮 凡招婿須憑媒妁明立昏書開寫養老或出舍年限止有一子者不許出贅如招養



老女壻者仍立同宗應繼者一人承奉祭祀家產均分  
如未立繼身死從族長依例議立

三年定品官昏娶

明史禮志品官昏禮周制凡公侯大夫士之昏娶者用  
六禮唐以後儀物多以官品為降殺明制凡品官昏娶  
或為子聘婦皆使媒氏通書女氏許之擇吉納采主昏  
者設賓席至日具祝版告廟訖賓至女氏第主昏者公  
服出迎揖賓及媒氏入鴈及禮物陳於廳賓左主右媒

氏立於賓南皆再拜賓詣主人曰某官以伉儷之重施於某某率循典禮謹使某納采主昏者曰某之子弗嫻姆訓既辱采擇敢不拜嘉賓主西南相向坐徹鴈受禮訖復陳鴈及問名禮物賓興詣主昏者曰某官慎重昏禮將加卜筮請問名主昏者進曰某第幾女妻某氏出或以紅羅或以銷金紙書女之第行年歲賓辭主昏者請禮從者禮畢送賓至門外納吉如納采儀賓致詞曰某官承嘉命稽諸卜筮龜筮協從使某告吉主昏者曰

某未教之女既以吉告其何敢辭納徵如納吉儀加元  
纁束帛函書不用鴈賓致詞曰某官以伉儷之重加惠  
某官率循典禮有不腆之幣敢請納徵主昏者曰某官  
貺某以重禮某敢不拜受賓以函書授主昏者主昏者  
亦答以函書請期亦如納吉儀親迎日壻父告於禰廟  
壻北面再拜立父命之曰躬迎嘉偶釐爾內治壻進曰  
敢不承命再拜媒氏導壻之女家其日女氏主昏者告  
廟訖醴女如家人禮壻至門下馬就大門外之次女從

者請女盛服就寢門內南向坐壻出次主昏者出迎於門外揖而入主昏者入門而右壻入門而左執鴈者從至寢戶前北面立主昏者立於戶東西向壻再拜奠鴈出就次主昏者不降迎壻既出女父母南向坐保母導女四拜父命之曰往之女家以順為正無忘肅恭母命之曰必恭必戒毋違舅姑之命庶母申之曰爾忱聽於訓言毋作父母羞保母及侍女翼女出門升車儀衛導前送者乘車後壻先還以俟婦車至門出迎於門內揖

婦入及寢門壻先升階婦從升入室壻盥於室之東南婦從者執巾進水以沃之婦盥於室之西北壻從者執巾進水以沃之盥畢各就座壻東婦西舉食案進酒進饌酒食訖復進如初侍女以盞注酒進於壻婦前各飲畢皆興立於座南東西相向皆再拜壻婦入室易服壻從者餽婦之餘婦從者餽壻之餘明日見宗廟設壻父拜位於東階下壻於其後主婦拜位於西階下婦於其後諸親各以序分立其日夙興壻父以下各就位再拜

贊禮引婦至庭中北面立壻父升自東階詣神位前跪  
三上香三祭酒請祝興立於西婦四拜退復位壻父降  
自西階就拜位壻父以下皆再拜禮畢次見舅姑其日  
婦立堂下俟舅姑即座就位四拜保姆引婦升自西階  
至舅前侍女奉棗栗授婦婦進訖降階四拜詣姑前進  
殿修如前儀次舅姑醴婦如家人禮次盥饋其日婦家  
備饌至壻家舅姑即座婦四拜升自西階至舅前從者  
舉食案以饌授婦婦進饌執事者加匕箸進饌於姑亦

如之食訖徹饌婦降階就位四拜禮畢舅姑再醴婦如  
初儀

庶人昏禮禮云昏禮下達則六禮之行無貴賤一也朱  
子家禮無問名納吉止納采納幣請期洪武元年定制  
用之凡庶人娶婦男年十六女年十四以上並聽昏娶  
壻常服或假九品服婦服花釵大袖其納采納幣請期  
略倣品官之儀有媒無賓詞亦稍異親迎前一日女氏  
使人陳設於壻之寢室俗謂之鋪房至若告詞醮戒奠

鴈合卺並如品官儀見祖禰舅姑舅姑醴婦亦略相準  
蕙田案明祖洪武元年令凡民嫁娶準文公  
家禮故其儀多與家禮同今不重載

洪武四年冊開平王常遇春女為皇太子妃禮部上儀  
注太祖覽之曰誓禮不用笄但用金盤翟車用鳳轎鴈  
以玉為之古禮有親迎執綏御輪今用轎則揭簾是矣  
其合卺依古制用匏妃朝見入宮中乘小車以帷幕蔽  
之謁廟則皇太子俱往禮成後三日乃宴羣臣命婦著



為令

明會典洪武五年詔古之昏禮結兩姓之好以重人倫近代以來專論聘財習染奢侈宜令中書省集議定制頒行遵守務在崇尚節儉以厚風俗違者論罪如律又令蒙古色目人氏既居中國許與中國人家結昏姻不許與本類自相嫁娶違者男女兩家抄沒入官為奴婢其色目欽察自相昏姻不在此限

明史禮志洪武八年十一月徵衛國公鄧愈女為秦王

次妃不傳制不發冊不親迎正副使行納徵禮冠服擬  
唐宋二品之制儀仗視正妃稍減昏之日王皮弁服導  
妃謁奉先殿王在東稍前妃西稍後禮畢入宮王與正  
妃正坐次妃詣王前四拜復詣正妃前四拜次妃東坐  
宴飲成禮次日朝見拜位如謁殿謁中宮不用棗栗服  
脩餘並同

蕙田案此娶次妃禮歷代未行

洪武九年太祖以太師李善長子祺為駙馬都尉尚臨

安公主先期告奉先殿下嫁前二日命使冊公主冊後  
次日謁奉先殿又定駙馬受誥儀吏部官捧誥命置龍  
亭至太師府駙馬朝服拜受次日善長及駙馬謝恩後  
十日始請昏期二十六年稍更儀注然儀注雖存其拜  
舅姑及公主駙馬相向拜之禮終明之世寔未嘗行也  
明年又更定公主郡主封號昏禮及駙馬儀賓品秩

蕙田案儀注具前

明會典永樂四年詔北京山東等處人民流移各處趨

食有將女憑媒禮嫁在處人民為妻已生男女者保勘  
明白仍許完聚不必發回原籍

英宗正統四年令武職不得與所管旗軍結昏

七年定皇帝納后之禮

蕙田案納后儀注具前

十一年令雲南四川貴州所屬宣慰宣撫安撫長官司  
并邊夷府州縣土官衙門不分官吏軍民其男女昏姻  
皆依朝廷禮法違者罪之

景泰三年詔各王府庶人子女長成或無父母昏姻又無人敢與議配所在官司審察具名奏來處置

天順四年奏准宗室降為庶人者其子女昏嫁有司每人與四表裏首飾銀二十兩猪四口羊四隻自令昏配明史禮志成化二十二年更定皇太子昏禮凡節冊等案俱由奉天左門出皇太子親迎由東長安門出親迎日妃服燕居服隨父母家廟行禮執事者具酒饌妃飲食訖父母坐堂上妃詣前各四拜父命之曰爾往大內

夙夜勤慎孝敬無違母命之曰爾父有訓爾當奉承合  
卷前於皇太子內殿各設拜位皇太子揖妃入就位再  
拜妃四拜然後各升座廟見後百官朝賀致詞曰某官  
臣某等恭惟皇太子嘉禮既成益綿宗社隆長之福臣  
某等不勝欣忭之至謹當慶賀帝賜宴如正旦儀命婦  
詣太后皇后前賀亦賜宴致詞曰皇太子嘉聘禮成益  
綿景福餘大率如洪武儀

明會典弘治二年令有訐告服內成昏者如親病已危

從尊長主昏招壻納婦罪止坐主昏免離異若親死雖  
未成服輒昏配仍依律斷離異

明史禮志弘治二年冊封仁和長公主重定昏儀入府  
公主駙馬同拜天地行八拜禮堂內設公主座於東西  
向駙馬東向座餘如前儀

明會典嘉靖二年令王府有不遵禁約擅自成昏者俱  
革退另選

明史禮志嘉靖二年工科給事中安磐等言駙馬見公

主行四拜禮公主坐受二拜雖貴賤本殊而夫婦分定於禮不安不聽

自宣德時駙馬始有教習用學官為之正統以後令駙馬赴監讀書習禮嘉靖六年始定禮部主事一人專在駙馬府教習

明會典嘉靖八年題准士庶昏禮如問名納吉不行已久止倣家禮納采納幣親迎等禮行之所有儀物二家俱無過求



二十八年題准王府擅自擇選繼室已經革封者其所生子女照革爵庶人所生例不許請乞封號以後違例擅昏者視此

明史禮志凡選駙馬禮部榜諭在京官員軍民子弟年十四至十六容貌齊整行止端莊有家教者報名司禮內臣於諸王館會選不中則博訪於畿內山東河南選中三人欽定一人餘二人送本處儒學充廩生崇禎元年教習駙馬主事陳鍾盛言臣教習駙馬鞏永固駙馬

黎明於府門外月臺四拜云至三月後則上堂上門上  
影壁行禮如前始視膳於公主前公主飲食於上駟馬  
侍立於旁過此方議成昏駟馬饋果饋書臣公主答禮  
書賜皆大失禮夫既合卷則儼然夫婦安有拜跪數月  
稱臣侍膳然後成昏者會典行四拜於合卷之前明合  
卷後無拜禮也以天子館甥下同隸後豈所以尊朝廷  
帝是其言令永固即擇日成昏

蕙田案公主下嫁人倫攸係風化所關歷代

以來未有跪拜數月稱臣侍膳如明之甚者  
原其始皆因一二驕縱踰禮勛戚之家視為  
畏途遂乃下選庶姓出身既微又皆起自內  
臣之力多方挾制以致凌夷若此昏禮之壞  
可勝言哉

右明昏禮

五禮通考卷一百五十五